


T9297/1100.7(10)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

10



玉海纂卷之十四

浚儀王應麟伯厚甫輯

長山劉鴻訓青岳甫纂

弟鴻采松臯甫

男孔中藥生甫

編次

吳州後學

鄧漢儀孝威甫

陸舜玄升甫

較閱

官制

官名

哈佛大學漢和
圖書館珍藏印



論語撰考云黃帝受地形象天文以制官伏
義已前雖有三名未必具立官位至黃帝名
位乃具

官名

左傳昭十七年秋、郊子來朝、公與之晏、昭子叔孫問焉、
曰、少皞氏以鳥名官、何故也、郊子曰、吾祖也、我知之、
昔黃帝以雲紀、故為雲師、而雲名、炎帝氏以火紀、故
為火師、而火名、共工氏以水紀、故為水師、而水名、太
皞氏以龍紀、故為龍師、而龍名、我高祖少皞摯之立

也鳳鳥適至、故紀於鳥、為鳥師、而鳥名、鳳鳥氏歷正
也、玄鳥氏司分者也、伯趙氏司至者也、青鳥氏司啓
者也、丹鳥氏司閉者也、祝鳩氏司徒也、鳴鳩氏司馬
也、鳴鳩氏司空也、爽鳩氏司寇也、鵲鳩氏司事也、五
鳩鳩民者也、五雉為五工、正利器用、正度量、夷民者
也、九扈為九農正、扈民無淫者也、自顓頊以來、不能
紀遠、乃紀於近、為民師、而命以民事、則不能故也、仲
尼聞之、見於郊子、而學之、曰、天子失官、學在四夷、
堯官名 六官

周禮疏堯舜官號稍改堯典乃命羲和[注]云堯育重
 黎之後羲和氏之子使掌舊職天地之官亦紀於近
 命以民事其時官名蓋曰稷司徒是天官稷也地官
 司徒也又云命羲和仲叔使分主四方[注]仲叔亦羲
 和之子堯既分陰陽四時又命四子為之官掌四時
 者字曰仲叔則掌天地者其曰伯乎是有六官分命
 仲叔[注]云官名蓋春為秩宗夏為司馬秋為士冬為
 共工通稷與司徒是六官之名鄭玄分陰陽為四時
 者分高辛時重黎之天地官使兼主四時耳共工[注]

水官也堯天官為稷又司徒士此三官是堯時事舜
 述前功秩宗舜時官也唯無夏官之名夏傳云司馬
 在前則羲叔為夏官是司馬也鄭云初堯冬官為共
 工舜舉禹治水堯知其必成功故改命司空以官名
 寵異之非常官也至禹登百揆之任捨司空之職為
 共工與虞垂益是也始羲和之時主四岳者謂之四
 伯後分至八伯堯初天官為稷至試舜謂之百揆舜
 命禹為之即天官也以稷為天官羲叔為夏官共為六官
 六官以主天地四時[注]崔靈恩曰重黎世掌天地號
 通典舜為

王漢纂 卷之十四 三
義和堯置天地四時之官復義和職掌天地又命仲
叔使主四時爲六卿舜改地官曰司徒秋官爲士冬
官爲司空春官爲秩宗

唐虞建官

書周官唐虞稽古建官惟百內有百揆四岳外有州
牧侯伯夏商官倍

周官政

史記周公世家成王在豐天下已安周之官政未次
序周公作周官別其宜作立政以便百姓

劉鴻訓曰官制之悉無逾成周讀周官一篇得其意
讀周禮所載得其名此編曷可勝收

漢官威儀

光武紀光武行司隸校尉時三輔吏士東迎更始見
諸將過皆寇憤而服婦人之衣諸子綉屣莫不笑之
及見司隸僚屬皆歡喜光武持節北渡河鎮慰州郡
考察黜陟如州牧行部事輒平遣囚徒除王莽苛政
復漢官名吏人喜悅爭持牛酒遺勞

漢置官本末

漢官多襲秦舊上自三公九卿內則中尉將作詹事
 將行典屬國主爵護軍博士僕射與侍中等之加官
 外則爵二十級監御史郡守尉關都尉縣令長與遊
 徼嗇夫之小吏皆秦置漢因者也官名改於景帝之
 六年增置於建元之後定於太初之元司直以佐丞
 相司隸以察中都五經博士諫大夫大卜路軫別火
 列于九卿之屬水衡驂粟奉車駙馬三輔農屬國列
 于都尉之職期門營騎之設八校直指之置大司馬
 之寇將軍內史主爵之更三輔監御史之改十三部

刺史廷平都護鞏于地節戊巳校尉尚書五人昉于
 初元建始或以太師太保寇司馬將軍或以司徒司
 空易丞相御史皆西都初置者也太傅師保之法乎
 古司隸內史將軍之仍乎周

唐官定制

曹確傳咸通中優人李可及為威衛將軍確曰太宗
 著令文武官六百四十三謂房玄齡曰官在得人
 在多矣朕設此待天下賢士工商雜流拔出等夷
 止當厚給以財不可假以官與賢者比肩立同坐食也

三公宰相

三公參天子坐而議政無不總統故不以一職為官後世宰相兼三公之事

伏羲六佐 燧人四佐

陶淵明集聖賢群輔錄金提主化俗鳥明王建福祝

默主災惡紀通為中職仲起為海陸陽侯為江海右

伏羲六佐見論語擿輔象明由必育成博隕丘右燧

人四佐

黃帝六相三公

管子五行篇黃帝得六相而天下治神明至蚩尤明

天道故使為當時太常察地利故使為廩者奢龍通

注作辨東方為土師祝融辨南方為司徒大封辨西

方為司馬后土辨北方為李獄官也○外紀黃帝舉風

后力牧太山稽常先大鴻得六相而天地治神明至

堯百揆 九佐 三公

舜典納于百揆揆度庶政之官○周禮疏周官云唐虞內有

百揆堯初天官為稷至堯試舜天官之任謂之百揆

舜命禹為之即天官也○淮南子堯之佐九人禹臯

稷契夷垂益夔龍○文子堯之治天下也舜為司徒契為司馬禹為司空注三公之官

舜十六相

左傳高陽氏才子八人蒼野舒作隤舒作豷舒作耨舒作戴大臨龍降

庭堅仲容叔達注此即垂益禹皋陶之倫謂之八愷高辛氏才子

八人伯奮仲堪叔獻季仲伯虎仲熊叔豹季狸注此即稷

契朱虎熊謂之八元愷和元舜臣堯舉八愷使主后

土以揆百事莫不時序地平天成舉八元使布五教

四方內平外成舜舉十六相十六族世濟其美

三公三少

書周官立太師太傅太保茲惟三公論道經邦燮理

陰陽少師少傅少保曰三孤貳公弘化寅亮天地弼

予一人周公為師召公為保相成王為左右○漢表

記曰三公無官言有其人然後充之舜之於堯伊尹

於湯周召於周是也或說司馬主天司徒主人司空

主土是為三公

周四輔

大戴禮保傅篇明堂之位曰篤仁而好學多聞而道

順天子疑則問應而不窮者謂之道。道者導天子以道者也。常立於前是周公也。誠立而敢斷輔善而相義者謂之充。克者克天子之志也。常立於左是太公也。潔廉而切直。正過而諫邪者謂之弼。弼者弼天子之過者也。常立於右是召公也。博聞強記捷給而善對者謂之承。承者承天子之遺忘者也。常立於後是史佚也。故成王中立而聽朝則四聖維之。是以慮無失計。舉無過事。殷周之長久其輔翼天子有此具也。

○尚書大傳天子必有四隣。前曰疑。凝作疑後曰丞。左曰

輔。右曰弼。天子有問無以對。責之疑。有志而不志。責之丞。可正而不正。責之輔。可揚而不揚。責之弼。其爵視卿。祿視次國之君。

漢丞相

表相國丞相皆秦官。金印紫綬。掌丞天子助理萬機。秦有左右高帝置丞相。十一年更名相國。綠綬。孝惠高后置左右丞相。文帝八月辛未。右丞相勃免。左丞相平專為丞相。自是專置一相。○翟方進奏春秋之義尊上公。謂之宰。海內無不統焉。丞相進見聖主御。

坐為起在輿為下

漢三公

朱博傳初漢興襲秦官置丞相御史大夫太尉至武帝罷太尉始置大司馬以冠將軍之號非有印綬官屬也及成帝時何武為九卿建言古者民樸事約國之輔佐必得賢聖然猶則天三光備三公官各有分職今丞相獨兼三公之事宜建三公官定卿大夫之任分職授政以考功效綏和元年武為御史大夫四月於是上賜曲陽侯根大司馬印綬置官屬罷驃騎

將軍官以御史大夫何武為大司空封列侯皆增奉如丞相以備三公官焉後二歲餘朱博為大司空奏言帝王之道不必相襲各繇時務高帝建立鴻業置御史大夫位次丞相典正法度以職相參總領百官上下相監臨故事選郡國守相高第為中二千石選中二千石為御史大夫任職者為丞相位次有序所以尊聖德重國相也今中二千石未更御史大夫而為丞相權輕非所以重國政也大司空官可罷復置御史大夫臣願盡力以御史大夫為百僚率從之

平建

二年四月廼更拜博為御史大夫
丁明為大司馬衛將軍置官屬大司馬
故號如後四歲元壽二年五月甲子遂改丞相為大司徒復置大
司空大司馬焉班彪曰何武定三公後皆數復

唐宰相 同三品 平章事

志唐因隋制以三省之長中書令侍中尚書令共議
國政此宰相職也後以僕射為尚書省長官與侍中
中書令號為宰相品位既崇不欲輕授人常以他官
若宰相職而假以他名太宗時杜淹以吏部尚書參
議朝政魏徵以秘書監參預朝政其後或曰參議得

夫參知政事之類皆宰相職也貞觀八年李靖辭位
三兩日一至中書門下平章事而平章事之名起於
此其後蕭瑀以太子太保李勣以詹事同中書門下
三品而同三品之名起於此然二名不專用自高宗
以後為相者必加同三品雖品高者亦然其後改易
官名而張文瓘以東臺侍郎同東西臺三品同三品
入銜自文瓘始永淳元年以郭待舉等同承受進止
平章事平章事入銜自待舉等始自是以後終唐世
不改初三省長官議事於門下省政事堂後裴炎自

待中遷中書令乃徙政事堂于中書省開元中張說為相又改政事堂號中書門下列五房於後曰吏樞機兵戶刑禮房分曹以主眾務焉

唐左右丞相

通典按僕射秦官其職甚微東漢以後委任漸重職司會府而非百僚師長之職也丞相亦秦官群臣上表皆云丞相臣某為首漢之宗臣蕭何為丞相漢儀丞相進天子御坐為起在輿為下霍光廢昌邑上表太后丞相臣敞為首大司馬大將軍臣光次之其尊

崇如此龍朔中天寶初嘗改侍中中書令為左右相

遠協伊尹仲虺為左右相周公召公相成王為左右

之儀斯誠允當齊慶封為左相秦樛里右甘茂左漢

平及審食其左文帝初立周勃右平左或謂尚書令僕則錄尚書之職

是官之師長按前代錄尚書霍光張安世王鳳趙熹

牟融鄧彪張禹李固王導褚淵齊明帝之徒或是丞

相或是三公或是大將軍大司馬兼之皆秉朝政其

時別有令僕令僕射改為丞相名同而職異品秩又

未崇極上有三師三公尚書令七人豈得比前代丞

相之任也

宋宰相

乾德二年正月庚寅趙普相普獨相四月乙丑初置

參知政事薛居正先是帝問陶穀下丞相一等何官

對曰唐有參知機務參知政事翊日命居正等不宣

制不押班知印不升政事堂就宣徽廳上事殿廷別

設位於宰相後書銜敕尾降宰相數字月俸半之開

寶六年六月壬寅詔參知政事升都堂與宰相同議

政事又詔趙普與居正等同知印押班奏事史臣謂唐平章

事亞於參知政事穀不能引文德殿常朝未有塼位

漢御史大夫為對失之矣雍熙四年九月始設之至道元年四月戊子詔與宰

相分日知印二年復舊制

臺省

漢書舊名禁中避元后諱改名省中師古曰

省察也言入此中者皆當察視不可妄也說

文臺觀四方而高者也

歷代三省

門下省後漢謂之侍中寺憲平六年晉志曰給事黃

門侍郎中俱管門下衆務或謂門下省○秦有黃門
侍郎漢因之凡禁門黃闥故號黃門其官給事於黃
闥之內故曰黃門侍郎魏晉以來竝爲侍衛之官唐
龍朔二年改黃門侍郎爲東臺侍郎光宅初改鸞臺
侍郎○中書省舜攝位命龍作納言出入帝命周官
內史掌王之八柄爵錄廢置生殺與奪執國法及國
令之貳以考政事蓋今中書之任其所置中書之名
因漢武遊宴後庭始宦者典事尚書謂之中書謁者
置令僕射元帝時恭顯秉勢用事蕭望之以爲中書

政本宜以賢明充選更置士人自武帝改用宦者掌

出入奏事非舊制也成帝建始四年改中謁者令更

以士人爲之皆屬少府魏文帝黃初初改爲中書令

又置監魏黃初初改秘書爲中書以及明帝時中書

監令號爲專任其權重矣晉因之張華爲監裴楷爲

爲監王獻之溫嶠爲令王沈張華華自魏晉以來中

書監令掌贊詔命記會時事典作文書以其地在樞

近多承寵任以人固其位謂之鳳凰池焉

尚書省昔堯試舜於大麓領錄天下似其任也周之

司會又有職焉。漢成帝罷中書宦者，置尚書五人。然其任猶輕。至後漢則為優重。唐六典：秦置尚書，禁中事皆決丞相府。漢武宣後，稍委任光武親總吏出納職。天下事皆上尚書，與人主參決，乃下三府。王命敷奏萬機，蓋政令之所由宣，選舉之所由定，罪賞之所由正。斯乃文昌之府，眾務淵藪。故李固云：陛下之有尚書，猶天之有北斗。斗為天喉，舌尚書亦為陛下喉舌耳。斟酌元氣，運平四時。尚書出納王命，賦政四海。令及左丞總領綱紀，無所不統。僕射及右丞分領錢穀。二漢皆屬少府。詳見少府屬官。自魏晉重中書之

官尚書之職，日以疎遠。至梁陳舉國機要，悉在中書。獻納之任，又歸門下尚書，但聽命受事而已。後周無隋唐皆有制畧同。凡尚書省事，無不總。龍朔二年，改為尚書省，為中臺。光宅初，改為文昌臺。垂拱元年，又改為都臺。長安三年，又改為中臺。神龍初，復為尚書省。都堂居中，左右分司。都堂之東有吏部、戶部、禮部三行，每行四司，左司統之都堂之西，有兵部、刑部、工部三行，每行四司，右司統之。凡二十四司，分曹共理。而天下之事盡矣。○尚書令商制有冢宰為天官六

卿總屬焉。秦置尚書。漢因之。後漢眾務悉歸尚書。三公但受成而已。尚書令主總領綱紀。事無不統。與司隸中丞朝會。專席而坐。號曰三獨坐。魏晉以下。任總機衡。事無大小。咸歸令僕。隋亦總領眾務。唐武德初。太宗為秦王時。嘗為之。其後人臣莫敢當。故自龍朔二年。二月七日。制廢尚書令。唐六典。後漢以令僕射六曹尚書為八座。魏氏省為五曹。則僕射有二。若僕射省一。則尚書有六。今以二丞相六尚書為八座。○楊收曰。漢制。總郡官而聽曰省。分務而專治曰寺。

漢御史臺

古者有御史之名。見於周官。中士下士為之。特小臣

傳命令者。掌贊書授法令。至戰國。其職益親。故獻書多云獻

書於大王。御史澠池之會。秦趙各命御史書事。淳于髡

曰。御史在前。執法在後。皆記事之職。至秦。人主自親事。以

操制臣下。侍御僕從。其勢益重。而御史大夫遂與丞

相分權矣。通典云。秦漢為糾察之任。

表。御史有兩丞。一曰中丞。在殿中。蘭臺掌圖籍秘書。

外。督部刺史。內領侍御史十五人。受公卿奏事。舉劾

按章○和帝記注侍御史周官卽柱下史秩六百石
 掌記注言行糾諸不法員十五人出有所按則稱使
 者○**通典**周柱下史秦改爲侍御史寇法寇一名柱
 後惠文後漢皆公府掾屬高第爲之○**通典**直指而
 行無私也衣以繡者尊寵之也江充拜直指繡衣使
 督三輔盜賊禁察踰侈後漢譙玄爲繡衣御史持節
 分行天下觀覽風俗○崔篆御史箴簡上霜飛筆端
 風起○傳咸御史中丞箴煌煌天文宿星是環爰立
 執法其輝有煥執憲之綱秉國之憲鷹揚虎視肅清

遲慢○謇謇匪躬是曰王臣旣直其道奚顧其身○北
 齊司馬子瑞云秦典鐵柱漢制繡衣簪白筆以繩違
 馭○總馬而明目○

唐秘書省

六典注又通典周官太史掌六典外史掌四方志三皇

五帝書漢圖籍所在有石渠石室延閣廣內貯之外
 府又御史中丞居殿中掌蘭臺圖籍及麒麟天祿二
 閣藏之內禁後漢圖籍在東觀桓帝延熹二年始置
 秘書監一人屬太常荀悅爲之後省魏武帝建安置秘書

令左右丞郎典尚書奏事文帝黃初中改為監分秘書立

中書及王肅為監撰皇覽初屬晉武併入中書惠永

平元年別置秘書寺掌中外三閣圖書擊虞荀勗王沉華譚孫盛

監梁改為省與尚書中書門下集書後周春官府置

外史下大夫隋與尚書門下內史殿中為五省後改

監為令牛弘為監武德初改為監

通典秦漢以來太史之任蓋併周之大史馮相保章

三職秦燔書天文星會要司天臺內有靈臺以候

雲物崇七丈周八十丈總置官六十員乾元元年制

曰舊紀建邦設都必稽玄象分曹列局皆應物宜靈

臺二星主觀察雲物天文正位在太微西南今典慶

宮上帝廷也攷符之所合置靈臺宜令所司量事修

理靈臺舊在秘書省南

六卿 九卿

卿章也章善明理也

黃帝五官

史記黃帝考定星曆建立五行於是有天地神祇物

類之官是謂五官管子五行篇黃帝作五聲五鍾

與天調然後天地之美生美謂甘露醴泉之類甲子木行御命左

右士師發粟順山林丙子火行御命掘溝滄戊子土行御命左右

草木蕃五穀庚子金行御命祝宗薦祖廟五祀壬子水行

御命左右使人閉五官各七十二日而畢凡三百六十日而一事畢

少皞五正

楚語顓頊命南正重司天以屬神南陽位周禮則宗伯命火正

黎司地以屬民火當為北北陰位周禮則司徒

堯六卿

通典舜為六官以主天地四時堯置天地四時之官

為六卿○考工記疏六官之記可見者堯育重黎之

後羲和及其仲叔四子掌天地四時夏書乃召六卿

商周雖稍改職名六官之數則同

舜九官

書舜典咨汝二十有二人注禹垂益伯夷夔龍六人

新命有職四岳十二牧凡二十有二人集傳二十二

人四岳九官十二牧也百揆統庶官四岳統十二牧

舜命九官新命者六人伯禹伯夷咨四岳而命者也垂益汎咨而命者也命夔龍因人之讓不容而命者也若稷契臯陶之不容者申命其舊職而已又按此以平水土若百工各為一官而周制同領於司空此以四官兼兵刑之事周禮分為夏秋兩官○漢劉向傳舜命九官濟濟相讓注禹司空棄后稷契司徒咎繇士垂共工益虞伯夷秩宗夔典樂龍納言

周九卿

周禮疏按昏義云三公九卿六卿并三孤而言九其

二公又下兼六卿故書傳云司徒公司馬公司空公各兼二卿按顧命大保領冢宰畢公領司馬毛公領司空別有芮伯為司徒彤伯為宗伯衛侯為司寇則周時三公各兼一卿之職與古異矣

周六卿

書周官冢宰掌邦治統百官均四海司徒掌教敷五典擾兆民宗伯掌禮治神人和上下司馬掌正統六師平邦國司寇掌禁誥姦慝平暴亂司空掌土居四民時地利六卿分職率屬以倡九牧阜成兆民

周官太宰

唯王建國辨方正位。體國經野。設官分職。以為民極。乃立天官冢宰。使帥其屬而掌邦治。以佐王均邦國。太宰之職。掌建邦之六典。以佐王治邦國。以八法治官府。以八則治都鄙。以八柄詔王。馭群臣。以八統詔王。馭萬民。以九職任萬民。以九賦斂財。賄以九式均節財用。以九貢致邦國之用。以九兩繫邦國之民。劉鴻訓曰。六官之屬多矣。後代建官。即不盡衷周禮。而中外纖悉。亦可參而考也。有周禮。在今不錄。

周司徒

地官大司徒。卿一人。掌土地之圖。人民之數。佐王安

擾邦國。以土會之法。辨五地之物生。因五物者。民之

常。施十二教。曰。以祀禮教敬。則民不苟。以陽禮教讓。

則民不爭。以陰禮教親。則民不怨。以禮樂教和。則民

不乖。以儀辨等。則民不越。以俗教安。則民不偷。以刑

教中。則民不競。以誓教恤。則民不怠。以度教節。則民

知。足以世事。教能。則民不失職。以賢制爵。則民慎德。

以庸制祿。則民興功。以土宜之法。辨十有二土壤之

名物以土均之法辨五物九等以土圭之法正日景以荒政十有二聚萬民曰散利薄征緩刑弛力舍禁去幾青禮殺哀蕃樂多昏索鬼神除盜賊以保息六養萬民曰慈幼養老振窮恤貧寬疾安富以本俗六安萬民曰媿宮室族墳墓聯兄弟聯師儒聯朋友同衣服頒職事十有二於邦國都鄙使以登萬民以鄉三物教萬民賓興之曰六德六行六藝以鄉八刑糾萬民以五禮六樂教中和歲終令教官正治致事小司徒中大夫二人建邦之教法稽九比之數會卒伍均土地井牧田野

周宗伯

春官 大宗伯 卿一人 建邦天神人鬼地示之禮以佐

王建保邦國吉禮事鬼神示凶禮哀邦國之憂賓禮

親邦國軍禮同邦國嘉禮親萬民以九儀之命正邦

國之位典命於諸侯謂之五儀於諸臣謂之五等之命分而言之也典命所言自尊及卑大宗伯

所言由以玉作六瑞以等邦國 舜典言五瑞大

作六摯以等諸臣孤執皮帛卿執羔大夫執鴈士執

雉庶人執鶩工商執雞以玉作六器以禮天地四方

牲幣放其器之色。以禮樂合天地之化。百物之產。禮樂
之用。舜分命二臣。以明事之重。周兼總於宗伯。以見禮之同。詔相王之典禮。○小
 宗伯中大夫二人。掌建國之神位。五禮之禁令。辨廟
 祧之昭穆。掌三族之別。以辨親疏。其正室皆謂之門
 子。毛六牲。辨名物。而頒之于五官。使共奉之。辨六齋
 六彛六尊之名物。掌衣服車旗宮室之賞賜。四時祭
 祀之序事。與其禮。詔相祭祀之小禮。凡大禮。佐大宗
 伯。

周司馬

夏官大司馬卿一人。建邦國之九法。以九伐之法。正
 邦國。以九畿之籍。施邦國之政職。令賦以地。與民制
 之。給軍用。教振旅。芟舍治兵。大閱。師有功。則左執律。右
 秉鉞。以先愷樂。獻于社。大役。與慮事。屬其植。受其要。
 大射。合諸侯之六耦。○小司馬中大夫二人。掌其事。
 如大司馬之法。

周司寇

秋官大司寇卿一人。掌建邦之三典。以佐王刑邦國。
 刑新國用輕。平國用中。亂國用重。以五行糾萬民。野

上功軍糾力、上命鄉糾守、上德官糾孝、上能國糾職、上願以兩造禁民訟糾暴。

入束矢於朝然後聽之以兩劑禁民獄入鈞金三日。

乃致於朝然後聽之以嘉石文石也平罷民肺石赤石達

窮民○小司寇中大夫二人掌外朝之政致萬民而

詢焉以五刑聽獄訟以五聲求民情辭色氣以八辟

麗邦法附刑法議親故賢能以三刺斷獄訟之中歲

終令群士計獄弊訟登中于天府憲刑禁

周司空

冬官司空亡篇○考工記國有六職百工與居一焉鄭注

云此篇司空之官司空篇亡漢興購千金不得此

世識其事者記錄以備大數爾疏冬官一篇其亡已

久有人遵集舊典錄此三十二以為考工記

雖不知其人要在秦前是以韋氏裘氏等闕

于寶曰言司者總其領言師者訓其徒言職者主其

業言衡者平其政言掌者主其事言氏者世其官言

人者終其身不氏不人權其材也

府史胥徒在天官二千六百六十六春官二千二百

四十一夏官三千二百六十五秋官二千六百五十

七地官無常職數不可計○通典總言內外官六萬

漢九卿

通典漢以大常光錄勳衛尉太僕廷尉大鴻臚宗正

大司農少府謂之九寺大卿後漢九卿而分屬三司

太常光錄勳衛尉三卿並太尉所部太僕廷尉大鴻臚三卿並司徒所部宗正大司農少府三卿並司空

部所 ○春秋漢舍孽曰九卿法河海北斗

漢奉常

表奉常秦官掌宗廟禮儀

漢博士

表奉常秦官博士屬焉博士秦官通古今秩比六百

石員多至數十人武帝建元五年初置五經博士宣

帝黃龍元年稍增員十二人 ○劉歆傳文帝時始使

掌故晁錯從伏生受尚書 伏生故 詩始萌芽天下衆

書往往頗出皆諸子傳說猶廣立於學官為置博士

在朝之儒唯賈生而已 文選注賈誼作左傳訓詁為

皇帝欲廣遊學之路 論語孝經孟子爾雅皆置博士

後罷傳記博士獨立五經而已 ○漢舊儀文帝時博

漢祭酒

國子祭酒 見學校 ○宋志周有師氏

漢郎中令 光錄勲

表郎中令秦官掌宮殿掖門戶武帝太初元年更名

光錄勲應劭曰明爵功也續志光錄勲卿一人中二千石

掌宿衛官殿門戶典三署郎更直執戟宿衛門戶考

其德行而進遑之郊祀之事掌三獻

表郎掌守門戶出充車騎有議郎中郎侍郎郎中皆

無員多至千人汲黯願為中郎出入禁闈補過拾遺

郎選其塗非一有以父兄任子弟為郎者如張安世

爰益是也有以富訾為郎者漢儀注謂訾五百萬得

為常侍郎如張釋之司馬相如是也有以獻策上書

為郎者婁敬主父偃是也有以孝著為郎者馮唐是

也董仲舒云吏二千石子弟選郎吏又以富訾者益

多出此二塗晉志郎位十五星在帝坐東北一曰

依烏郎府也周之元士漢官之光祿中散諫議郎

郎中是其職也楊秉上疏云太微積星名為郎位入奉宿衛出牧百姓

漢衛尉

楊雄箴重垠累垓以難不律維昔庶僚官得其人荷

戈而聚中外以堅齊威怵惕宿衛不飾門非其人戶

廢其職曹子操劍遂成其詐二世安宿敗於望夷閣
樂矯搜戟者不誰尉臣司衛敢告執維張衡賦衛尉八屯警夜循
畫植鍛垂戩以戒不虞柏梁詩周衛交戟禁不時

漢太僕

表太僕秦官應邵曰周穆王所置蓋大掌輿馬高帝

元年夏侯嬰始為之武帝後元二年并左將軍志

卿一人中二千石掌車馬天子每出奏駕上鹵簿用

大駕則執馭楊雄箴肅肅太僕車馬是供鏘鏘和

鸞駕彼時龍王用三驅前禽是射僕夫執條載駢載

駟我興云安我馬惟閑雖馳雖驅匪逸匪愆昔有淫

弄馳騁忌歸景公千駟而淫於齊牧於桐野詩人興

魯僕臣司駕敢告執皂罔命侍御僕從罔匪正人庶

常吉士晉訓群騶知禮諸御知義僕臣正厥后
克正見於周書思無邪思馬斯臧形於魯頌佩以
制容鸞以節塗行
不鸞正駕不亂次

漢廷尉大理

表廷尉秦官掌刑辟景帝中六年更名大理楊雄

箴周輕其制秦繁其辜唐虞象刑天民是全紂作炮

烙墜民於淵殷以刑顛秦以酷敗獄臣司理敢告執

三海集 卷之十四
○謁○崔駰箴○逸矣○臯陶○翊唐○作士○如石○之平○如淵○之清○三槐○九棘○以賢○以聽○理臣○司律○一成○不變○君子○盡心○

漢大鴻臚 典客

表○典○客○秦○官○掌○諸○侯○歸○義○蠻○夷○景○帝○中○六○年○更○名○大○行○令○武○帝○大○初○元○年○更○名○大○鴻○臚○掌○郊○廟○行○禮○贊○導○諸○王○入○廟○典○其○禮○儀○及○郡○國○上○計○皇○子○拜○王○贊○授○印○綬○及○拜○諸○侯○四○方○夷○狄○封○者○臺○下○鴻○臚○召○拜○之○

漢宗正

表○宗○正○秦○官○掌○親○屬○楊○雄○箴○魏○魏○帝○堯○欽○親○九○族○禮○有○攸○訓○屬○有○攸○籍○伯○臣○司○宗○大○宗○維○翰○宗正一星在帝

坐東南

漢治粟內史

表○治○粟○內○史○秦○官○掌○穀○貨○掌○諸○錢○穀○金○帛○諸○貨○幣○郡○國○四○時○上○月○且○見○錢○穀○簿○邊○郡○諸○官○請○調○度○者○皆○為○報○給○損○多○益○寡○取○相○給○足○楊○雄○箴○時○惟○大○農○爰○司○金○穀○什○一○而○征○為○民○作○常○帝○王○之○盛○咸○在○農○殖○東○作○不○勅○靡○積○靡○倉○農○臣○司○均○丞相不知一歲錢穀出入之數有司之賤不敢會人

主侈心生矣。○稷為大官。○少皞九農正。○食貨志贊易稱哀多益寡。書云。楛遷有無。周有泉府之官。張華箴。在周之宣。不虔政首。弃稷弗務。不籍千畝。稽臣司農。

漢少府

表少府。秦官。掌山海地澤之稅。以給其養。○楊雄箴。實實少府。奉養是供。嗜不可不察。欲不可不圖。未嘗失之於約。常失於奢。府臣司其。○文帝逸遊之樂絕。奇麗之賂塞。後六年。四。○月。弛山澤。減服御。

漢尚書令

宋百官表。秦時有尚書令。尚書僕射。尚書丞。後漢有尚書令。司隸校尉。御史中丞。朝會專席而坐。號三獨坐。

漢侍中

表加官侍中。中常侍。得入禁中。○胡廣箴。皇矣聖上。神居天處。勤求俊良。是弼是輔。昔在周文。剗德西隣。幸尹是訪。八虞是詢。亦惟先正。克謹左右。常伯常任。寔為政首。侍臣司中。敢告執矩。宦者傳。漢興襲秦制。置中常侍官。引用士人。以參其

選皆銀璫左貂給事殿省中興之初悉用闈人永平
中置中常侍四人延平增至十人改以金璫右貂

漢中尉

表中尉秦官掌徼循京師○楊雄執金吾箴張設武

官以御寇賊如虎有牙如鷹有爪猛不可重任威不
可○獨○行○吾○臣○司○金○

漢將作少府

表將作少府秦官掌治宗室景帝中六年更名將作

大匠○楊雄箴侃侃將作經營宮室昔在帝世茅茨

土階夏卑宮觀在彼溝洫桀作瑤臺紂為璇室人力

不堪帝業不卒兩觀雉門魯以不恢秦築驪阿贏姓

以顛作臣司匠敢告執猷○上棟下宇取諸大壯改

奢即儉合美斯干

漢大長秋詹事

表詹事秦官掌皇后太子家又中長秋私府永巷倉

廡祠祀食官令長丞諸宦官皆屬焉成帝鴻嘉三年

省詹事官并屬大長秋景中六年更名長信少府

日以太后所居宮為名居長信宮則曰平帝元始四

長信少府居長樂宮則曰長樂少府

官制

年更名長樂少府○中興常用宦者職掌奉宣中官
命凡給賜宗親及宗親當謁見者關通之中官出則
從

漢內史

表內史周官秦因之掌治京師景二年分置左右武

太初元年更名京兆尹左內史更名左馮翊○主爵

都尉更名右扶風治內史右地與左馮翊京兆尹是

為三輔秩二千石注服虔曰皆治在長安城中師古

曰三輔黃圖云京兆在尚冠前皆東入故中尉府馮

翊在太上皇廟西入右扶風在夕陰街北入故主爵

府長安以東為京兆長陵以北為左馮翊渭城以西

為右扶風

漢官拾遺

漢三老

表十里一亭亭有長十亭一鄉鄉有三老有秩嗇夫

遊徼三老掌教化嗇夫職聽訟收賦稅遊徼循禁盜

賦皆秦制也

漢中涓

功臣表曹參斬欵王吸召歐周勃灌嬰丁禮孫赤陳倉毛釋之石奮為中涓注親近之臣戎賜繒賀韓信

召歐郭亭華寄華朱呂嬰周竈為連敖馮解散為代

大與

漢將軍

表將軍周末官秦因之位上卿金印紫綬漢不常置

或有左右前後皆掌兵及四夷有長史秩千石

續志將軍不常置中興吳漢以大將軍為司馬景丹

為驃騎大將軍位公下明帝初以弟蒼為驃騎位公

上數年罷章帝即位西羌反以馬防行車騎征之還

罷和帝以竇憲為車騎征匈奴位在公下還遷大將

軍位公上漢儀大將軍驃騎將軍位次丞相○武帝

光秉政領○宣帝詔黃霸曰邊境有事左右之官皆

將帥也○梁肅兵箴天下雖安忘兵則危不教民戰

是謂棄之傳美止戈易稱以律治亂之機繫於杪忽

漢議郎

續志議郎六百石無員掌顧應問對無常事惟詔命

所使以文屬光錄勲○自高帝十二年燕王之立始

詔諸侯王議之見於史者始此自後劉呂立王昭靈
 尊號之儀稍見於史文帝至代邸丞相上言於列侯
 宗室大臣二千石議而即位未幾收帑之議止于平
 勃肉刑之議止於蒼敬然賈誼為博士每詔令議下
 先諸老先生而對後元之詔亦曰令吏二千石博士
 議則比六百石亦得預議焉武昭宣元而後築朔方
 之議及於中大夫挾弓矢之議及於光祿大夫侯史
 高之議及於博士罷郡國廟之議見於議郎議出於
 大臣而可行則入粟屯田之議魏相一言而罷行如

響不嫌於以尊抑卑也議出於小臣而可行則罷珠
 厓之議違二府而從待詔賈捐之呼韓邪保塞之議
 違有司而從郎中侯應慮使欲降之議違公卿而從
 光錄大夫谷永朱博得罪不以將軍二千石而廢諫
 大夫勝等之議王嘉得罪不以驃騎將軍御史而棄
 少府猛等之議不嫌於以卑抗尊也

歷代官數

通典官數唐六十員虞六十員夏百二十員殷二百
 四十員周內外官六萬三千六百七十五員漢自丞

相至佐史凡十三萬二百八十五員後漢七千五百
 六十七員晉六千八百三十六員宋六千一百七十
 二員齊二千一百三員後魏七千七百六十四員北
 齊二千三百二十二員後周二千九百八十九員隋
 一萬二千五百七十六員大唐一萬八千八百五員

歷代官品

通典官品周官九命漢自中二千石至百石凡十六
 等後漢自中二千石至斗食凡十三等魏秩次多因
 漢制更置九品晉宋齊並因之梁因之更置十八班

班多為貴陳竝因之後魏置九品各置凡十八品
 自四品以下每品分為上下階凡三十階北齊並因
 之後周制九命每命分為二以正為上凡十八命隋
 置九品品各有從自四品以下每品分為上下凡三
 十階自太師始焉謂之流內流內自此始焉又置視
 正一品至九品品各有從自行臺尚書令始焉謂之
 視流內自此始大唐自流內以上竝因隋制又置視
 正五品視從七品以除薩寶及符祓正謂之視流內
 又置勳品九品自諸衛錄事及五省令史始焉謂之

王治纂 卷之十四
流外流外自此始

唐賜階勳爵

紀賜文武官勳爵○賜文武官階勳爵○賜勳一轉

○勳兩轉○勳五轉○賜文武官階勳爵○賜內外官

階爵○賜內外官勳爵○賜內外官階勳爵○賜奉

祠官階勳爵○賜百官將士階勳爵○加功臣子孫

二階各有年月可考

省官

王彪之曰職事之修在於省官朝風之澄在

於并職官省則選清而德久職并則吏簡而俗靜

漢中興省官

百官志世祖中興務從節約并官省職費減億計建

武二十七年改大司馬為太尉去司徒司空大字太

常博士本僕射中興轉為祭酒有祠視令一人後轉

屬少府有太卜令後省并太史省前凡十官光祿謁

者本員七十人中興但三十人舊有左右曹主受尚

書奏事世祖省車駕出給黃門郎兼有請室令中興

但○以○郎○兼○事○訖○罷○又○省○車○戶○騎○三○將○及○羽○林○令○衛○尉
 省○旅○賁○令○衛○士○一○人○丞○大○僕○舊○有○六○廐○令○中○興○省○但
 置○一○廐○又○有○收○師○苑○令○主○養○馬○分○在○河○西○六○郡○界○中
 中○興○皆○省○唯○漢○陽○有○流○馬○苑○但○以○羽○林○郎○監○領○廷○尉
 武○帝○置○中○都○官○獄○二○十○六○所○中○興○皆○省○唯○廷○尉○及○雒
 陽○有○詔○獄○又○省○右○監○右○平○大○鴻○臚○省○驛○官○別○火○令○丞
 及○郡○郎○長○丞○但○令○郎○治○郡○郎○宗○正○省○都○司○空○令○丞○大
 司○農○郡○國○鹽○官○鐵○官○本○屬○司○農○中○興○皆○屬○郡○縣○又○有
 廩○犧○令○雒○陽○市○長○滎○陽○敖○倉○官○中○興○皆○屬○河○南○尹○餘

均○輸○等○皆○省○少○府○侍○中○本○有○僕○射○一○人○中○興○轉○為○祭
 酒○或○置○或○否○漢○山○澤○陂○池○之○稅○屬○少○府○世○祖○改○屬○司
 農○考○工○轉○屬○太○僕○都○水○轉○屬○郡○國○武○帝○初○置○水○衡○都
 尉○世○祖○省○并○其○職○於○少○府○少○府○本○六○丞○省○五○又○省○湯
 官○織○室○令○置○丞○又○省○上○林○十○池○監○胞○人○長○丞○宦○者○昆
 臺○飲○飛○三○令○二○十○一○丞○又○省○水○衡○屬○官○令○長○丞○尉○二
 十○餘○人○執○金○吾○本○有○式○道○左○右○中○候○三○人○中○興○但○一
 人○不○常○置○每○駕○出○以○郎○兼○又○省○中○壘○寺○互○都○般○令○丞
 尉○及○左○右○京○輔○都○尉○中○宮○僕○一○人○千○石○太○僕○秩○二○千

石中興省汰減千石將作大匠一人北軍中候一人
 舊有中壘校尉有胡騎虎賁校尉皆武帝置中興省
 中壘但置中候以監五營胡騎并長水虎賁并射擊
 司隸校尉建武中復置并領一州建武六年省諸郡
 都尉并職太守省關都尉唯邊郡往往置都尉及屬
 國都尉稍有分縣治民比郡舊列侯奉朝請在長安
 者位次三公中興以來唯以功德賜位特進者次車
 騎將軍其餘位在博士議郎下侯之家臣置家丞庶
 子各一人有行人洗馬門大夫凡五官中興食邑千

戶以上置家丞庶子各一人不滿千戶不置家丞又
 省行人洗馬門大夫○光武紀建武六年六月辛卯
 詔曰張官置吏所以為民也今百姓遭難戶口減少
 而縣官吏職所置尚繁其令司隸州牧各實所部省
 減吏員縣國不足置長吏可併合者上大司徒大司
 空二府於是條奏并省四百餘縣吏職減損十置其
 一是歲初罷郡國都尉官七年二月辛巳罷護曹都
 尉三月丁酉罷輕車騎士材官樓船士及軍假吏省
 長水射擊二校尉九年省關都尉十一年四月丁卯

省大司徒司直官朔官牧并并州十三年四月罷
左右將軍官文書調役務從簡寡至乃十存一十八
年罷州牧置刺史

晉議省吏員

通鑑咸寧五年司徒長史傅咸上書以為當今之急
在并官省事息役務農遂議省州郡縣半吏以赴農
功中書監荀勗以為省吏不如省官省官不如省事
省事不如清心蕭曹清靜清心也抑浮說簡文按省
事也九寺併尚書蘭臺付三府省官也若省吏半恐

有曠闕皆須更復或激而滋繁亦不可不重

唐杜祐請省官

杜祐傳建中初河朔兵掣戰民困賦無所出佑以為
救弊莫若省用省用莫若省官乃上疏曰漢光武建
武中廢縣四百吏率十置一魏太和時分遣使者省
吏員魏正始時并郡縣晉太元六年省官七百隋開
皇三年廢郡五百貞觀初省內官六百員設官之本
以治衆庶故古人計人置吏不肯虛設自漢至唐因
征戰艱難以省吏員誠救弊之功也昔咎繇作士今

刑部尚書大理卿則二咎繇也垂作共工今工部尚書將作監則二垂也契作司徒今司徒戶部尚書則二契也伯夷爲秩宗今禮部尚書禮儀使則二伯夷也伯益爲虞今虞部郎中水衡使者則二伯益也伯冏爲太僕今太僕卿駕部郎中尚輦奉御閑廐使則四伯冏也古天子有六軍漢前後左右將軍四人今十二衛神策八軍凡將軍六十員舊名不廢新員日加且漢制別駕隨刺史巡察猶今觀察使之有副也參軍者參其府軍事猶今節度判官也官名職務遷

易不同耳宜斟酌減省○劉知幾曰罕聞翹楚之歌唯見伐檀之刺

唐陸贄五要

陸贄傳德宗遣黜陟使贄說使者以五要簡官事曰廢兵之冗食蠲法之撓人省官之不急去物之無用罷事之非要○古人有言曰十羊九牧羊旣不得食人亦不得息書曰官不必備惟其人孔子譏管仲曰官事不攝焉得儉

儲官

賈誼作保傅傳其言有曰天下之命繫於太子太子之善在於早喻教與選左右教得而左右正則太子正太子正而天下定矣此天下之至言萬世不可易之定論也至論教諭之方必以孝仁禮義為本而條目之詳至於容貌詞氣之微衣服器用之細纖悉曲折皆有法度一有過失則史書之策宰徹其膳而又有進善之旌誹謗之木敢諫之鼓瞽詩史

書工誦箴諫士傳民語必使至於化與心成中道若性而猶不敢怠其選左右之法則有三公之尊有三少之親有道有充有彌有承上之必得周公太公召公史佚之流乃勝其任下之猶必取孝悌博聞有道術者不幸一有邪人廁其間則必逐而去之是以太子朝夕所與居處出入左右前後無非正人未嘗見一惡行此三代之君所以有道之長也當誼之時已病此法之不備然攷孝昭之詔猶

知誦習誼之所言而不忘先王之意降及近世帝王教子之法益疎畧矣

周三公三少 二傅 四輔

文王世子凡三王教世子必以禮樂禮樂交錯於中

發形於外是故其成也懌恭敬而温文立太傅少傅

以養之欲其知父子君臣之道也太傅審父子君臣

之道以示之少傅奉世子以觀大傅之德行而審諭

之大傅以身教少傅以言教大傅在前少傅在後在學入則有保

出則有師燕居出是以教諭而德成也師也者教之

以事而諭諸德者也保也者謹其身而輔翼之而歸

諸道也記曰虞夏商周有師保有疑丞設四輔及三

公不必備唯其人語使能也君子曰德德成而教尊

教尊而官正官正而國治

唐于志寧傳周誦升儲見正毛畢漢盈居震取資黃

綺姬且抗法於伯禽賈生陳事於文帝莫不殷勤於

端士懇切於正人

周世子齒於學

文王世子仲尼曰昔者周公攝政踐阼而治抗世子

法於伯禽。使之與成王居。欲令成王之知父子君臣。長幼之義也。行一物而三善皆得者。唯世子而已。其齒於學之謂也。

漢太子太傅

列傳張良。上謂子房。疆卧。傅太子上。欲易太子。良及叔孫太傅諫。不聽。及宴。置酒。太子侍。四人者從太子。年皆八十餘。須眉皓白。衣冠甚偉。上廼驚曰。煩公幸卒調護太子。晁錯受尚書伏生所詔。以為太子舍人。門大夫。遷博士。上書言皇太子所讀書多矣。而未

深知術數。願擇聖人之術。可用今世者。以賜太子。十善之。於是拜太子家令。太子家號曰智囊。服虔曰太子稱家蕭望之為太傅。以論語禮服授皇太子。元帝詔曰。國之將興。尊師而重傅。望之傅朕八年。道以經術。厥功茂焉。

漢四章歌詩

崔豹古今注。日重光。月重輪。群臣為漢明帝所作也。

明帝為太子。樂人作歌詩四章。以贊太子之德。一曰日重光。二曰月重輪。三曰星重輝。六帖作四曰海重

潤漢末其二章亡舊說云天子之德光明如日規輪如月衆輝如星沾潤如海太子皆比德焉故云重○
晉語胥臣曰夫教者因體能質而利之者也若川然有原以印浦而後大

唐東宮三師官儀注

志太子太師太傅太保各一人從一品掌輔導太子每見迎拜殿門三師荅拜每門必遜三師坐太子乃坐太子出則備鹵簿以從
少師少傅少保各一人從二品掌曉三師德行以論

皇太子奉太子以觀三師之道德自太以下唯其人不必備

唐太子賓客

志太子賓客四人正三品掌侍從規諫贊相禮儀宴會則上齒貞觀十八年以宰相兼賓客
咸亨元年徐齊聃上疏曰姬誦與伯禽同業晉儲以師曠爲友皇太子可招尋園綺寤寐應劉

唐太子侍讀

志侍讀無常員掌講導經學太宗時晉王府有侍讀

蕭德言許叔牙為之
袁承序以晉王友兼
及為太子亦置焉

唐太子詹事

志 兼會要 太子詹事一人 正三品 少詹事一人 正四

品上掌統三寺十率府之政少詹事為之貳龍朔二

年曰端尹府光宅改曰宮尹府 ○ **列傳** 李綱武德初

為太子詹事事太子建成初甚禮遇曰審論弼諧固

屬李綱矣 ○ 江總有潘陸之華無園綺之實 陳孔

唐東宮六局

志 司經局洗馬二人掌經籍出入侍從圖書上東宮

者受而藏之 舒叔牙劉訥言以洗馬兼侍讀訥言授

咸江統王湛衛玠陸機為之 ○ 機詩云記身承

文學三人 魏置太子文學 校書正字 並見後 ○ 北齊

正典膳局典膳郎二人丞二人掌進膳嘗食丞為之

貳每夕更直于厨 見後 ○ 宋志 家令漢東京王食官

中庶子職今大官令 ○ 通典 開元禮 正至受賓觴行

酒藥藏局郎二人丞二人掌知藥 北齊門下坊領內

直局郎二人丞二人 孔志 約為 掌符璽衣服繖扇几

案筆硯垣墻 齊有內直兵局北齊殿內局 ○ 龍朔二

有典重四人開元中廢典設局郎四人丞二人掌湯沐燈燭汛

掃鋪設南齊齊居局梁齊內局龍朔二宮門局郎

二人張暉姚丞二人掌宮門管鑰漢門大夫隋日宮

改宮門監日宮門郎崔融為宮右東宮六局左庶

子總之門丞韓穎為宮門郎直司天臺

劉鴻訓日余以備員官寮每詢考詹事之義寥不可

得查字說有日詹官也與義近之皇明宮坊等官

大都多用唐舊而先後品秩名號不盡同故不載謂

不必相參質也

神異經曰東方有官青石為墻高三仞左右闕高百

丈畫以五色門有銀榜以青石碧鏤題曰天地長男

之宮徐廣東宮頌曰禮樂承軒典冊授庭命服惟

九龍旗鸞旌

唐太極冊太子

姚珽上書曰銀榜銅樓宮闈嚴秘門閣來往皆有簿

籍

唐承華箴

李義府傳高宗為太子除義府舍人獻承華箴震維

三海集 卷之十四
標德離宮體正聖誠登俎高論喬枝

唐青宮紀要

藝文志 儒家類 武后紫樞要錄十卷 臣軌二卷 百察

新誠五卷 青宮紀要三十卷 少陽政範三十卷 列藩

正論三十卷 元武后書皆 章懷太子春宮要錄十卷

修身要覽十卷 武后訓記雜載十卷 采青宮記要維

等書為雜載 維城典訓二十卷 故事類 春坊舊事三

卷 名失姓 杜正倫春坊要錄四卷 儀注類 蕭子雲東宮

雜事二十卷 陸開明宇文愷東宮典記七十卷

會要 高宗顯慶二年六月上製元首前星維城股肱

誠令許敬宗等註釋名曰天訓

唐搖山玉彩

高宗顯慶四年加元服命賓客許敬宗右庶子許圜

師中書侍郎上官儀等即文思殿摘采古今文章號

搖山玉彩凡五百篇書奏賜物三百段餘臣賜有差

一作瑤山王彩

唐翼善記

褚無量傳 玄宗為太子拜無量國子司業兼侍讀無

董撰翼善記以進厚被禮答

山海經大荒西經西海之外有搖山其上有入曰太

子長琴顓帝生老童老童生祝融祝融生太子長琴

是處搖山始作樂風注此山多搖木因名

唐開元訓誡

實錄開元二十五年八月甲子帝作開元訓誡六篇

開元御集誠子示諸王其旨蓋明君臣父子之義齋

書即此書也祭稼穡之事宰臣請宣布中外手詔曰周公戒伯禽

無以魯國驕人朕方聖雖慚敢忘戒子聊示庭訓何

足宣布

唐贊道賦

政要貞觀五年李百藥為右庶子作贊道賦曰顧三

善而必弘祇四德而為行每趨庭而聞禮常問寢而

資敬邁觀喬而望梓既雕且琢温故知新唯忠與敬

曰孝與仁則下光四海上燭三辰昔三王之教子兼

四時以齒學將交發於中外乃先之以禮樂惟聖上

之慈愛訓義方於至道同論政於漢幄修致戒於京

鄙鄙韓子之所賜重經術而為寶自禮賢於秋實足

歸道於春卿異洞簫之娛侍殊飛蓋之緣情太宗遣使謂曰所作賦述古來儲貳事以戒太子甚典要朕選卿輔弼正為此事大稱所委因賜廢馬一綵三百

天禧親賢進封賦 冠禮賦

天禧二年戊午二月丁卯壽春郡王進封昇王先是祥符

七年甲寅歲二月丁未封慶國公晏殊作親賢進封

八年十二月辛卯封壽春郡王 賦曰燕襟啟兆熊夢開祥分輝日域稟秀星潢陪漢

幄以遵禮奉堯闈而中式寢門屢至足見於純誠吏

牘遙觀蓋彰乎敏識接申白以談經越應劉而振藻

晏殊上皇子冠禮賦曰闡崇賢而毓德御宣猷而待賓東明之銀榜彌高西海之瑤山特峻

天禧賜皇太子元良述

其辭曰祗膺重器克荷徽章必務保其令名蘊其全

德在脩其身欲脩其身在勤於學夫修其身者謹茲

語默戒被端莊動靜之間率遵禮度好尚之際盡去

奇邪親賢達之人近忠正之士聞其美譽則汲汲而

思齊聽其良箴則孜孜而為戒勿謂小善之無益如

滄海之積涓流可以資其廣也勿謂少疵之無害如

王○海○纂○卷之十四
至寶之負纖瑕。可以累其質也。去繁華之玩息。縱佚
之娛。飲食以時。典居有節。常從儉約。聿致和平。此脩
身之要也。夫勤於學者。覃研典籍。探頤古今。讀易則
究其幾。神誦書則味其訓。誥閱詩則辨其諷。諭觀禮
則審其等威。諸子百家。咸存指趣。遺編舊史。悉載盛
衰。溫故而知新。近思而切問。皎如氷鑑。可驗於否臧。
炳若丹青。可占於隆替。至於書數之藝。文翰之工。足
助才能。常資講習。此勤學之要也。其於愛民恤下。當
事寬仁。御衆治繁。宜遵簡易。體仁而及遠。崇信而致

誠。自然令問允昭。嘉謨克廣。兼四術之益。播三善之
風。嗜魚不進。求玦莫從。有王褒之獻箴。無卞蘭之奉賦。
搖山益峻。少海增深。南陽辨牘。銅龍避道。賈誼治安
之策。言忠而道疎。義府承華之箴。言切而心詐。元稹
教本之書。言華而要寡。用智囊爲家令。則輔之非其
人。開博望延賓客。則處之非其地。重輪依紫極。前耀
奉丹霄。乾象開層宇。離明啟少陽。易述主器之文。書
紀元良之重。前星少海之象。著乎窮厚。撫軍監國之

任備于出處。上當天意，下應人心。雖夏邦建啟，周朝立誦，不之及也。

宗戚

古之待同姓為宗法以統之。宗其繼太祖者為太宗，宗其繼高祖者為小宗。大宗一小宗四為氏族以別之。自太祖為正姓，高祖為庶姓，庶姓別於上，而戚單於下，則分之以氏，合之以族。自古後族能以德禮進退，全宗保名者蓋鮮矣。明哲之君知驕侈之易滿，榮辱

堯九族

之難保，授任各當其才，祿位不過其量，告之以天命，不易誠之，以大義滅親，使居無過之地，永享不貲之福，與國終始，不失其所親也。

堯典以親九族，九族既睦。

周封建

左傳僖二十四年富辰諫曰：昔周公弔二叔之不咸，

故封建親戚，以蕃屏周。管、蔡、邶、霍、魯、衛、毛、聃、郟、雍、曹、滕、畢、原、鄆、郇、文之昭也。邶、晉、應、韓、武之穆也。凡、蔣、邢、

茅胙祭周公之嗣也。疏云一十六國武王克商之後

年傳曰文武成康建母弟則康王召穆公思周德之

之世尚有封國非獨周公時也不類故糾合宗族於成周而作詩曰常棣之華鄂不

韡韡凡今之人莫如兄弟其四章曰兄弟鬩於墻外

禦其侮 周庶子官

康誥矧惟外庶子訓人。○文王世子庶子之正於公

族者教之以孝弟睦友子愛明父子之義長幼之序。

注庶子司馬之屬掌國其朝于公內朝則東面北上

臣有貴者以齒。其在外朝則以官司士為之。其在宗

廟之中則如外朝之位。宗人授事以爵以官。其登饔

獻受爵則以上嗣庶子治之。治公族雖有三命不踰

父兄。古者庶子之官治而邦國有倫衆鄉方矣。

燕禮獻庶子于阼階上如獻士之禮。注庶子掌正六

牲之體及舞位使國子脩德學道世子之官也。○詩

采蘋宗室牖下。注大宗之廟也箋祖廟既毀教于宗

室。○湛露厭厭夜飲在宗載考。注夜飲必於宗室箋

云夜飲之禮在宗室同姓諸侯則成之於庶姓其遜

之則止

周宗盟 宗正

左傳隱十一年周之宗盟異姓為後正義服虔以宗盟為同宗之盟周人貴親先叙同姓以其篤於宗族謂之宗盟魯人為此言見其重宗之義異姓為後謂王官之伯降臨諸侯以王命而盟者春秋之世狎主齊盟者則不復先姬姓也踐土之盟其載書云王若曰晉重魯申是用王命而盟也召陵之會劉子在焉故祝佗引踐土為此為有王官故也宋之盟楚屈建

先於趙武若姬姓常先則楚不得競也且言周之宗盟是唯周乃然故釋例曰用周而言指謂王官之宰臨盟者也餘雜盟未必皆然覲禮曰諸侯前朝皆受舍於朝同姓西而北上異姓東而北上朝覲就爵同之中先同姓後異姓若盟則爵雖不同先同姓也

小宗伯掌三族之別以辨親疏其正室謂之門子注

三族謂父子孫人屬之正名記曰親親以三為五以五為九正室適子也將代父當門者疏以父親祖以子親孫以三為五也以祖親曾高以孫親曾元以五

為九也。○漢百官表宗正注應邵曰周成王時彤伯入為宗正師古曰彤伯為宗伯不謂之宗正。○楊雄宗正箴禮有攸訓屬有攸籍各有育子世以不錯。

晉公族

晉語晉選公族大夫必以端惠者教之文敏者道之果敢者諗之鎮靜者修之蓋膏梁之性難正也。東平王蒼曰自漢興以來宗室子弟無得在公卿位者。○宗室不宜典三河劉歆王國人不宜在京師彭宣王國人不不得宿衛龔勝彭宣王舅不宜備九卿馮

野王馮立馮參竟寧中以王舅出

戚里

后父重於帝舅。○摯疇之國由大任杞繒由大妣齊許申呂由大姜陳由大姬皆能內利親親者也。

漢帝無私於廣國元規功遜於中書。○長孫無忌之功武平一之識吳淑之忠弗緣內寵。

樊靡卿之父子竇廣國之弟兄陰興之守約戒奢史丹之掩惡揚善欽聖居中宮而父經生不擁節旄宣仁稱制臨朝而猶子止於兩使留後。

古之教國子者以什五之法寓於道藝之間以羨卒
 之法行於遊倅之列及其有事則用之故在軍則守
 公禰在國則守公宮文王世子說
 聯跗齊穎接萼均芳以蕃以牧燭代輝梁分土而開
 者九國當高祖之初同日而立者三王在孝武之世
 周位卿士以同姓唐列宗室於輔臣雅道貴於東平
 文藝高於北海楚詩蚤習沛易先通周公族多聯三
 事唐台司亦有九人且爽兼師保之任勉石稱宰輔
 之賢

塗山在夏靡與高稷同驅妣氏居周不與燕齊等列
 聖人慮遠殊有旨哉
 超任邈妣翼夏生商二妃光舜三母翼周在漢則明
 德和熹著稱於前在唐則文德懿安垂紀於後

諸侯官制

周官施典於邦國而建其牧立其監設其參
 傳其伍陳其殷置其輔謂諸侯之國

牧守

高宗聖訓曰牧守本也令長末也若牧守得

其人則令長又何患有不稱之職哉

通典

黃帝立四監以治萬國

史記云黃帝置左右大監二伯之職肇端于此

唐有九州舜置十二州有牧夏為九州牧

書觀四

岳群牧咨十有二牧州有十二師外薄四海咸建五

長

舜以五長綏四國周以一連率諸侯

唐虞內有百揆四岳外有州牧

諸侯○**左傳**夏貢金九牧

漢中興良吏

循吏傳序宣帝每拜刺史守相輒親見問二千石有

治理效輒以璽書勉厲增秩賜金

黃霸蕭咸王尊馮野王孫寶陳立

或爵至關內侯公卿缺則選諸所表以次用之是故

漢世良吏於是為盛稱中興焉若趙廣漢韓延壽尹

翁歸嚴延年張敞之屬皆稱其位王成黃霸朱邑龔

遂鄭弘召信臣等所居民富所去見思

漢牧守

文中子事君篇三代之興邦家有社稷焉兩漢之盛

牧守有子孫焉

戒吏

劉勰曰戒勅為文實詔之切者戒者慎也禹

稱戒之用休

晉勅戒百官

文心雕龍周穆命鄧父受勅憲及晉武勅戒備告百官勅都督以兵要戒州牧以董司警郡守以恤隱勤牙門以禦衛有訓典焉

紹興戒石銘

二年六月癸巳放黃庭堅書太宗戒石銘爾俸爾祿民膏民脂於郡縣十年十一月十一日臣僚奏成湯上天難欺制官刑以儆有位成王作周官以訓厥官我朝戒石

之銘戒勅之辭及文武七條雖成湯成王用心不是

過也一云戒石銘乃五代時孟知祥之詞

使

說苑曰明君之使人也任之以事不制以辭此奉使之事也

漢繡衣使者 美俗使者

譙元傳元始四年選明達政事能班化風俗者八人

元為繡衣使者持節與太僕任暉等分行天下觀覽

風俗○有繡衣直指○假稻田使者○行冤獄使者

○護苑使者

紀漢安元年八月丁卯遣杜喬等八人分行州郡班

宣風化舉實臧否○張綱傳八使惟綱年少官秩最

微餘人受命之部而綱獨埋其車輪於洛陽都亭曰

豺狼當道安問狐狸遂奏大將軍冀河南尹不疑無

君之心十五事○蔡邕傳上封事曰五年制書議遣

八使又令三公謠言奏事是時奉公者欣然得志邪

枉者憂悸失色

漢清詔使

范滂傳冀州饑荒以滂為清詔使案察之滂登車攬

轡有澄清天下之志至州境守令自知臧汙望風解

印綬去

唐武德安撫使 黜陟使 按察使 節度使

宣撫使 以河北水災 饑旱災等置

採訪使

會要開元二十二年二月十九日辛亥初置十道採

訪處置使

防禦使 團練使 經畧使 應援使 宣諭使

慶曆招討使

紹興五年十二月岳飛為湖北襄陽招討使十年六月一日兀术犯三京以韓世忠張俊岳飛兼河南北招討使
建炎鎮撫使

屬國都護

聖王之德西被流沙東漸于海朔南暨聲教言欲與聲教則治之不與者不疆治也故君臣歌德含氣之物各徂其宜

漢五屬國

紀元朔五年春大將軍衛青將六將軍兵十餘萬人

出朔方高闕獲首虜萬五千級六年二月出定襄數

百里仍復克獲元狩二年春三月驃騎將軍霍去病

出隴西至臯蘭斬首八千餘級得休屠王祭天金人

夏復與公孫敖出北地二千餘里過居延仍大克獲

秋匈奴昆邪王殺休屠王并將其眾合四萬餘人來

降置五屬國以處之以其地為武威酒泉郡注師古曰凡言

屬國者存其國號而屬漢朝故曰屬國○發其騎以擊胡則破奴將之發其騎以伐宛則貳師將之○趙

克國發屬國胡騎為田者遊兵

地理志安定屬國都尉治三水

劉歆蓋思齊張奐為

定屬國都尉李翁

上郡屬國都尉治龜茲

馮奉世傳上郡屬國歸義降胡萬餘

天水屬國其都尉治勇士

富平侯張放

五原屬國其都

尉治蒲澤

征和三年輝渠侯雷電以五原屬國都尉與二師俱擊匈奴○馮立亦為之○劉茂

五原屬國張掖屬國其都尉治日勒

郡國志安帝命屬國別領比郡者六廣漢

別領三城○馮緄為

之○順帝永和二年二月廣

蜀郡

別領四城○董扶

犍為

別領

城二張掖

武帝置安帝時別領五

居延

別領

樂浪之遼

東別領六城○段紀明公沙

上郡之龜茲

漢金城屬國

紀昭帝始元六年秋以邊塞闊遠取天水隴西張掖

郡各二縣置金城郡宣帝神爵二年夏五月置金城

屬國以處降羌○金城郡昭帝始元六年置戶三萬

八千四百七十口十四萬九千六百四十八縣十三

注臣瓚曰稱金取其堅固也師古注云郡在京師之

西故謂金城

漢西河北地屬國

宣紀五鳳三年三月行幸河東祠后土詔曰往者匈

奴數為邊寇百姓被其害朕承至尊未能綏安匈奴

虛閭權渠單于地節二年請求和親神爵二年病死右賢王

屠耆堂代立骨肉大臣立虛閭權渠單于子為呼韓

邪單于四擊殺屠耆堂諸王竝自立分為五單于屠耆

呼揭車更相攻擊死者以萬數畜產大耗什八九人

民饑餓相燔燒以求食因大乖亂單于闕氏子孫昆

弟及呼邀累單于名王右伊秩訾且渠當戶以下將

眾五萬餘人來降歸義單于稱臣使弟奉珍朝賀正

月北邊晏然靡有兵革之事朕飭躬齋戒郊上帝祠

后土神光竝見或興于谷燭耀齋宮十有餘刻甘露

降神爵集已詔有司告祠上帝宗廟三月辛丑鸞鳳

又集長樂宮東闕中木上飛下止地文章五色書云

雖休勿休祇事不怠公卿大夫其勉焉減天下口錢

赦殊死以下置西河北地屬國以處匈奴降者地理志西

河縣三十六戶十三萬六千三百九十一
北地縣十九戶六萬四千四百六十一

漢典屬國九譯令

表典屬國秦官周象掌蠻夷降者武帝元狩三年紀云

二年昆邪王降後增屬國置都尉丞候千人竇融傳注有屬

秋屬官有九譯令周象胥舌人之類○越裳重九譯故以名官成帝河平

元年六月省并大鴻臚○賈誼傳請試以臣為屬國

之官必係單于之頸始元六年詔移中監蘓武奉使全節以為典屬國○常惠代蘓

武為典屬國明習外國事

漢西域都護

傳西域本三十六國後分至五十餘孝武時張騫始

開西域之迹其後驃騎將軍擊破匈奴右地降渾邪

休屠王元狩二年秋遂空其地始築令居以西初置酒泉

郡後稍發徙民克實之分置武威張掖敦煌元鼎六年秋

列四郡據兩關焉自貳師將軍伐大宛之後西域震

懼多遣使來貢獻漢使西域者益得職於是自敦煌

而至鹽澤往往起亭至輪臺渠黎皆有田卒數百人

置使者校尉領護以給使外國者又昭帝始元二年冬發習戰射士詣

朔方調故吏將屯田張掖郡至宣帝時遣衛司馬使護鄯善以西

數國及破姑師未盡殄分以為車師前後王及山北

六國時漢獨護南道未能盡并北道也然匈奴不自

安矣其後日逐王畔單于將眾來降護鄯善以西使

者鄭吉迎之既至漢封日逐王歸德侯是歲神爵三

年也通鑑神爵二年考乃因使吉并護北道故曰都

護都護之起自吉始矣中都護三歲一更絕域之僮僕

都尉自此罷匈奴益弱不得近西域於是徙屯田於

北胥鞬披莎車之地屯田校尉始屬都護督察烏孫

康居諸外國動靜有變以聞可安輯安輯之可擊擊

之都護治烏壘城去陽關二千七百三十八里與渠

犂田官相近土地肥饒於西域為中故都護治焉六

注漢宣置都至元帝時復置戊巳校尉屯田車師前

王廷自宣元後單于稱蕃臣西域服從其土地山川

王侯戶數道里遠近翔實矣凡國五十自譯長城長

將相王侯皆佩漢印綬凡三百七十六人而康居大

月氏安息屬賓烏弋之屬皆以絕遠不在數中其來

貢獻則相與報不督錄總領也

晉大都督

列傳王導明帝假節都督諸軍石勒侵阜陵成帝詔

加導大司馬假黃鉞出討之軍次江寧帝親餞于郊

咸和元年石季龍掠騎至歷陽導請出討之加大司

馬假黃鉞中外諸軍事置左右長史司馬

咸康元年四月癸卯

復轉中外大都督○陶侃都督八州○謝安都督揚

豫徐兗青五州幽州之燕國諸軍事假節符堅次淮

肥加安征討大都督指授將帥各當其任既破堅以

總統功拜太保求自北征乃進都督十五州軍事加

黃鉞置從事中郎二人

吳陸遜假黃鉞為大都督吳主親執鞭以見之

唐都護府

通典唐永徽中始於邊方置安東安南安西安北四

大都護府

攷之會要所置年月不同

後又加單于北庭都護府府

置大都護一人副一人副都護二人長史司馬各一

人

車鼻可汗傳永徽元年九月八日庚子高宗遣右騎

衛中郎將高侃伐車鼻可汗擒之獻于武德殿以其

衆處鬱督軍山建新黎州使領其衆

置狼山都督府以統之

於

是突厥盡為封疆臣矣始置單于瀚海二都護府單

于領狼山雲中桑乾三都督蘇農等二十四州瀚海

都護府領瀚海金微新黎等七都督仙萼賀蘭等八

州卽擢酋領爲都督刺史龍朔三年二月改燕然爲
瀚海都護府領回訖徙故瀚海都護府於古雲中城
號雲中都護府積以北蕃州悉隸瀚海南隸雲中雲
中者義成公主所居也頡利滅李靖徙突厥羸破三
百帳居之以阿史德氏爲之長衆稍盛麟德元年正
月甲子卽建言願以諸王爲可汗遙領之帝曰今可
汗古單于也乃更雲中府爲單于大都護府○龜林
○雞林
副都統

乾道三年閏七月一日上諭宰執曰朕欲江上諸軍
各置兼領軍事豈惟儲他時統帥亦使主帥不敢專
擅於是以前郭剛爲鎮江副都統制張榮爲建康副都
統制以贊主帥議軍事
魏何昌曰先王制法建官授任則職副佐陳師命將
則立監貳宣命遣使則設介副當難則權足相濟員
缺則才足相代韓信伐趙張耳爲貳馬援討越劉隆
副軍○李德裕詔吳漢征蜀劉尚副軍李勣取平壤
參以道宗李靖襲陰山副之公謹

人物

袁宏曰。百姓不能自救。故立君以治之。明君不能獨治。則為臣以佐之。宗匠陶鈞而群才緝熙。元首經畧而股肱肆力。

黃帝三公

帝王世紀黃帝以風后配上台。天老配中台。五聖配下台。謂之三公。其餘知天規。紀地典。力牧。常先。封胡。孔甲等。或以為師。或以為將。

堯九職

說苑君道篇。當堯之時。舜為司徒。契為司馬。禹為司空。后稷為田疇。夔為樂正。倕為工師。伯夷為秩宗。皋陶為大理。益掌歐禽。堯知九職之事。使九子者各受其事。皆勝其任。以成九功。

堯九佐。舜七友。七佐。湯三輔。周五佐。五

臣

楚辭東方朔七諫。雖有八師而不可為王。逸注八師。謂禹。稷。高。臯。陶。伯夷。垂。益。夔也。言堯舜有聖賢之臣。八人以為師傅。○戰國策顏觸曰。堯有九佐。舜有七

友禹有五丞湯有三輔○孔叢子孔子曰聞諸老聃昔者號叔閔天太顛散宜生南宮适五臣同察比德以贊文武

舜四士

管子法法篇舜有天下禹為司空契為司徒臯陶為李后稷為田此四士者精一德以事君
鬻子禹政第六禹得臯陶杜子業得既子黯得季子寧得然子堪子玉得七大夫以佐其身而天下治湯政第七湯得慶誦伊尹涅里且東門虛南門蠕西門

疵北門側得七大夫佐以治天下而天下治○說苑

說苑

君道篇湯問伊尹曰三公九卿二十七大夫六十一元士知之有道乎對曰昔者堯見人而知舜任人然後知禹以成功舉之明君在上設四佐以自輔有英俊以治官

臯陶九德

書臯陶謨臯陶曰亦行有九德寬而栗柔而立願而恭亂而敬擾而毅直而溫簡而廉剛而塞疆而義彰厥有常吉哉日宣三德夙夜浚明有家日嚴祗敬六

德亮采有邦、翕受敷施、九德咸事、俊又在官、百僚師
 師、**注**三德六德九德之中有其三、有其六也。○立政
 周公曰、有夏迪知忱恂于九德之行、成湯乃用三宅、
 克卽宅曰三有俊、克卽俊嚴惟丕式、克用三宅三俊、
 文王武王克知三有宅心、灼見三有俊心。**注**湯能用
 剛柔正直三德之俊、

周三士

荀子堯問篇周公謂伯禽之傅曰、吾所執贄而見者
 十人、還贄而相見者三十人、貌執之士百有餘人、欲

言而請畢事者千有餘人、於是吾僅得三士焉、以正
 吾身而定天下、吾所以得三士者、亡於十人、與三十
 人、中乃在百人、與千人之中。明接士不廣、無由得賢也

齊四臣

史記齊威王與魏惠王會田於郊、魏王曰、齊國亦有
 寶乎、齊王曰、無有、寡人國雖小、尚有徑寸之珠、照車
 前後各十二乘、豈以齊大國而無寶乎、齊威王曰、吾
 臣有檀子者、使守南城、則楚人不敢寇、東取泗上十
 二諸侯皆來朝、吾臣有盼子者、使守高唐、則趙人不

王漢書卷之十四
敢東漁於河。吾吏有黔夫者。使守徐州。則燕人祭北門。趙人祭西門。徒而從者七千餘家。吾臣有種首者。使備盜賊。道不拾遺。此四臣者。將照千里。豈特十二乘哉。

漢七相五公

班固傳西都賦南望杜霸北眺五陵冠蓋如雲七相五公七相謂丞相車千秋黃霸王商韋賢平當魏相王嘉五公謂田蚡張安世朱博平晏韋賞

漢武宣名臣

公孫弘傳贊曰公孫弘卜式兒寬皆以漸鴻之翼困於燕爵。遯迹羊豕之間。非遇其時。焉能致此位乎。是時漢興六十餘載。海內乂安。府庫充實。而四夷未賓。制度多闕。上方欲用文武。求之如弗及。始以蒲輪迎枚生。見主父而歎息。群士慕嚮。異人竝出。卜式拔於芻牧。弘羊擢於賈孺。衛青奮於奴僕。日磾出於降虜。斯亦曩時版築飯牛之朋已。漢之得人。於茲為盛。儒雅則公孫弘董仲舒兒寬篤行。則石建石慶質直。則汲黯卜式。推賢則韓安國鄭當時。定令則趙禹張湯。

文章則司馬遷相如滑稽則東方朔枚臯應對則嚴
 助朱買臣歷數則唐都洛下閎協律則李延年運籌
 則桑弘羊奉使則張騫蘇武將率則衛青霍去病受
 遺則霍光金日磾武帝凡二人其餘不可勝紀是以興
 造功業制度遺文後世莫及孝宣承統纂修洪業亦
 講論六藝招選茂異而蕭望之梁丘賀夏侯勝韋元
 成嚴彭祖尹更始以儒術進劉向王褒以文章顯將
 相則張安世趙充國魏相丙吉于定國杜延年治民
 則黃霸王成龔遂鄭弘召信臣韓延壽尹翁歸趙廣

漢嚴延年張敞之屬宣帝凡二人皆有功迹見述於世
 參其名臣亦其次也

漢山西將

趙充國傳贊曰秦漢已來山東出相山西出將將軍
 白起郿人王翦頻陽人漢興郁郅王圍甘延壽義渠
 公孫賀傅介子成紀李廣李蔡杜陵蘇建蘇武上邽
 上宮桀趙充國襄武廉褒狄道辛武賢慶忌皆以武
 勇顯聞蘇辛父子著節此其可稱列者也

漢中興將帥

岑馮賈傳論中興將帥立功名者衆矣。惟岑彭馮異建方面之號。自函谷以西。方城之南。兩將之功為大。若馮賈之不伐。岑公之義信。乃足以感三軍而懷敵人。故能尅成遠業。終全其慶也。贊元侯淵謨。明啟帝畧。子翼守溫。蕭公是埒。陽夏膠東。奇鋒震敵。岑公義信。克成遠業。吳公龍驤。風行巴梁。虎牙猛力。功立睢陽。宮俊休休。是亦鷹揚。好時經武。能畫能兵。期啟燕門。霸水虜河。祭遵好禮。臨戎雅歌。任邳識幾。嚴城解扉。純植義發。奉兵佐威。惻惻安豐。奉圖歸忠。李通

豪膽舍家從讖。王常知命。功惟常念。卓茂欵欵。情慤德滿。

漢河西五守 賴川四長

陶潛群輔錄 河西五守 武威統梁金城庾張掖史酒泉

三燉煌辛共推竇融為河西大將軍 東伐隗囂 後

循吏傳 賴川四長 當塗荀羸韓太丘陳林慮鍾皆賴

川人以誠篤使人不欺

漢東京士

左雄傳論 順帝備玄纁束帛 以聘南陽樊英 天子降

寢殿設壇席尚書奉引延問失得於是處士拂巾裯
 謁以企旌車之招矣若李固周舉之淵謨弘深左雄
 黃瓊之政事正固桓焉楊厚以儒學進崔瑗馬融以
 文章顯吳祐蘇章种暘樂巴牧民之良幹龐參虞詡
 將帥之宏規王龔張皓虚心以推士張綱杜喬直道
 以糾違郎顛陰陽詳密張衡機術特妙東京之士於
 茲盛焉凡二十人

漢二十四賢

群輔錄魏文帝旌表二十四賢杜喬張奐向詡陳蕃

施延李膺朱寓杜密韓融荀爽房植姜肱陳球王暢
 申屠蟠張儉鄭元冉璆李固郭泰朱穆魏少英徐穉
 皇甫規明帝述撰其狀

蜀漢三傑四英

三國志傅幹曰劉備寬仁有度能得人死力諸葛亮
 達治知變正而有謀而為之相張飛關羽勇而有義
 皆萬人敵而為之將此三者皆人傑也以劉備之略
 諸葛之才何為不濟○華陽國志蜀人以諸葛亮蔣
 琬費禕董允為四相號四英

三國名臣序贊魏志九人蜀志四人吳志七人

共二十人荀彧字文若諸葛亮字孔明周瑜字公瑾

荀攸字公達龐統字士元張昭字子布袁煥字曜卿

蔣琬字公琰魯肅字子敬崔琰字季珪黃權字公衡

諸葛瑾字子瑜徐逸字景山陸遜字伯言陳羣字長

文顧雍字元歎夏侯玄字太初虞翻字仲翔王經字

承宗陳泰字元伯

唐文章三變

文藝序傳唐有天下三百年文章三變高祖太宗大

難始夷汾江左餘風故王楊為之伯玄宗好經術崇

雅黜浮則燕許擅其宗大曆正元間美才輩出韓愈

唱之柳宗元李翱皇甫湜等和之唐之文為一王法

此其極也若侍從酬奉則李嶠宋之間沈佺期王維

制冊則常袞楊炎陸贄權德輿王仲舒李德裕言詩

則杜甫李白元稹白居易劉禹錫譎惟則李賀杜牧

李商隱皆卓然以所長為一世冠○梁肅云唐二百

載文章三變初則陳子昂以風雅革浮侈次則張說

以宏茂廣波瀾天寶以還李員外蕭功曹賈常侍獨
孤常州比肩而作

沈約云自漢至魏四百餘年辭人才子文體三變相
如形似二班情理子建仲宣氣質

封爵

書曰五服之章天所以命有德禮曰以賢制
爵記曰以爵崇德傳曰爵不踰德盖先王封
爵必以賢德者稱之非人主可私也故王嘉
曰王者代天爵人尤宜謹之

舜賞爵有功

商頌長發疏中候握河紀說堯云斯封稷契臯陶賜

姓號是堯封之也考河命說舜之事云褒賜群臣賞

爵有功稷契臯陶益土地是舜益地為大國也自契

以上大國百里握河紀注云稷契公也公即周禮三

公八命其出封加一等然則堯封契已應百里舜又

益之者以有大功特加褒賜如周賜魯衛之屬帝王世紀

云舜褒賜群臣尊任伯禹稷契臯陶皆益地

夏五等爵 殷三等爵 周五等爵 周五爵

王制王者之制祿爵公侯伯子男凡五等諸侯之上
 大卿下大夫上士中士下士凡五等天子之三公之
 田視公侯卿視伯大夫視子男元士視附庸注此地
 殷所因夏爵三等之制殷爵三等公侯伯也周武王
 初定天下更立五等之爵增以子男猶殷因之地以
 九州為界尚狹也周公致太平始斥大九州之界公
 五百里侯四百里伯三百里子二百里男百里見大司徒
 所因殷之諸侯亦以功黜陟之其不合者皆益地為
 百里周世有爵尊而國小爵卑而國大者唯天子畿

內不增以祿群臣不主為治民正義夏玉帛萬國若
 不百里七十五里則不得為萬國殷微子箕子是
 畿內采地之爵元命包云周爵五等象五精春秋三
 等象三光說者以為文家爵五等質家爵三等虞書
 輯五瑞修五禮五玉豈復三等乎書武成列爵惟
 五分土惟三注爵五等公侯伯子增之正義周禮大
 司徒諸公之地方五百里侯四百里伯三百里子二
 百里男百里蓋周衰諸侯相併安為說耳楊子周
 建子弟列名臣班五爵陸機五等論五等之制始

於黃唐

周爵名

表記周人尊禮其賞罰用爵列注尊卑為差○舜輯
 五等諸侯之瑞而班之則五等之爵自舜以來未之
 有改鄭氏謂殷爵三等非也武王爵列以五土分以
 三蓋襲殷之舊爾周公增損其制上公五百里至男
 百里蓋指開方言之去王制不大相遠矣○先王之
 制出為列國之君入為王朝之臣所以一內外也內
 為三公稱公外而諸侯亦稱公故單公以父師保釐

東上衛侯以列國入相于周周公居東復相成王
 甫祖齊式遄其歸春秋以來鄭武公入為周師徒莊
 公為平王卿士滕侯曰我周之卜正○名山大川皆
 天子使吏治之而入其貢賦九州川浸山藪各有職
 方不屬諸侯之版春秋諸侯或兼而擅之齊幹山海
 晉私郇瑕守桃林之塞宋有孟諸楚有雲夢皆不入
 於王官○伯者以意之向背為升降諸國以勢之強
 弱相上下會盟征伐先後易序曹杞伯也或居子男
 之下楚子也或居侯伯之上魯以周班後鄭楚以衷

甲先晉滕薛爭長蔡衛爭先逞其私意不顧王爵

左傳襄二十五年子產曰封陳以備三恪注周封夏

殷二王後又封舜後謂之恪并二王後為三國其禮

轉隆示敬故曰三恪疏鄭玄謂杞宋為二王之後

祝陳為三恪樂記武王克殷未及下車而封黃帝

之後於蓊帝堯之後於祝帝舜之後於陳下車而封

夏之後於杞投殷之後於宋

漢二等爵

諸侯王表周監於二代三聖制法立爵五等封國八

百同姓五十有餘魯衛各數百里齊亦五侯九伯之

地所以親親賢賢褒表功德深根固本為不可拔也

秦自任私智姍笑三代盪滅古法內無骨肉本根之

輔外無尺土藩翼之衛故曰周過其歷秦不及期國

勢然也漢興之初海內新定同姓寡少懲戒亡秦之

敗於是剖裂疆土二等之爵漢封功臣大者王小者侯也功臣侯

者百有餘邑尊王子弟大啟九國自鴈門已東盡遼

陽為燕代常山以南太行左轉度河濟漸于海為齊

趙穀泗以往奄有龜蒙為梁楚東帶江湖薄會稽為

荆吳師古曰荆吳同是一國文穎曰即今北界淮瀕

畧盧衡為淮南波漢之陽亘九嶷為長沙史記九國

陽中陳故都暨陽諸侯比境周匝三垂南北東外接胡

越天子自有三河東郡潁川南陽自江陵以西至巴

蜀北自雲中至隴西與京師內史凡十五郡公主列

侯頗邑其中而藩國大者跨州兼郡連城數十宮室

百官同制京師然折諸呂之難成太宗之業亦賴之

於諸侯也史諸侯表漢興序二等高祖子弟同姓

為王者九國唯獨長沙異姓而功臣侯者百有餘人

九國燕代齊趙梁楚荆吳淮南淮陽并長沙為十國索隱曰徐廣九國不數吳蓋荆絕乃封吳

賜爵故事

惠六年文後六年令民得賣爵荀氏漢紀曰賜民爵

所以宜恩惠慰人心也庾峻曰秦時不知德惟爵是

聞故閭閻以公乘侮其鄉人郎中以上爵傲其父兄

大事記普賜天下民爵自惠帝始

漢賣爵令

食貨志文帝十二年鼂錯說上曰今募天下人粟縣

官得以拜爵帝從之令民入粟邊六百石爵上進稍

增至四千石為五大夫萬二千石為大庶長各以多

少級數為差鼂錯傳言郡縣之民得買其爵以自增

等級同景帝時上郡以西旱復修賣爵令裁其買音

以招民景紀後二年五月詔曰今訾筭十以上召得

也萬武帝時民多買復及五大夫千夫征發之士益鮮

於是除千夫五大夫為吏不欲者出馬令吏入穀補

官郎至六百石入財得補郎弘羊請令民得入粟補

更入粟甘泉各有差下式數入財佐縣官超

惠帝紀元年十二月民有罪得買爵三十級以免死

罪

漢武功爵

武紀元朔元年匈奴入遼西漁陽鴈門衛青獲首虜

二年匈奴入上谷漁陽衛青獲首虜收河南地置朔

方五原郡四年匈奴入代定襄五年衛青將六將軍

兵斬首虜萬五千級六年四月復將六將軍絕幕大

克獲六月詔曰今中國一統而北邊未安朕其悼之

大將軍巡朔方征匈奴斬首虜受爵賞而欲移賣者

無所流貶其議為令有司奏請置武功賞官以寵戰

士○苟悅申鑒曰孝武以四夷未賓寇賊姦軌初置
 武功賞臣以寵戰士若今依此科而崇其制置尚武
 之官以司馬兵法選位秩比博士講司馬之典簡蒐
 狩之事賞軍功爵賞小統於五校大統於太尉既周
 時務禮亦宜之

唐九等爵 鐵券銘功

劉幽求傳兼月景雲二年拜侍中十月甲辰璽詔曰

幽求翊贊聖儲震殄元惡雖胙以土宇而賦入未廣
 咎西漢行封更擇多戶東京定賞復增大邑宜加賜

實封二百戶子孫傳國無絕特免十死銘諸鐵券以
 傳其功

唐開元新制

公主傳開元新制長公主封戶二千帝妹戶千率以

三丁為限皇子王戶二千主半之左右以為薄帝曰
 百姓租賦非我有士出萬死賞不過束帛女何功而
 享多戶邪使知儉嗇不亦可乎於是公主所廩殆不
 給車服後咸宜益封至千戶諸王皆增自是著于令
 主不下嫁亦封千戶

褒功 詔封 已見圖繪名臣類者不必更載

古者人臣功有五品以德立宗廟定社稷曰

勲以言曰勞用力曰功明其等曰伐積日曰

閱

周司勲

夏官司勲掌六官掌地之法以等其功王功曰勲國

功曰功名功曰庸事功曰勞治功曰力戰功曰多凡

有功者銘書於王之太常祭於大烝司勲詔之大功

司勲藏其二

秋官司約掌治功之約凡大約劑書於宗彝小約劑

書於丹圖左傳官之奇曰勲在王室藏於盟府正義

王室之勲藏於盟府者凡諸侯初受封爵必有盟誓之言反行飲至舍爵策勲既

飲置爵則書勲勞於策言速記有功也書洛誥記功宗以功作元祀

丕視功載注視群臣有功者記載之有大功則列為

大祀疏或時立其視配享廟庭亦是也

周武王封功臣

周頌賚大封於廟也箋武王封諸臣有功者正義謂

文王之廟也祭統曰賜爵祿於大廟示不敢專皇甫

王漢纂 卷之十四
謚云武王伐紂之年夏四月乙卯祀於周廟將率之士皆封諸大國四百人兄弟之國十五人同姓之國四十人樂記將率之士使爲諸侯是大封也○史記武王作武成封諸侯班賜宗彝追思先聖王乃褒封神農之後於焦黃帝之後於祝帝堯之後於蘄舜之後於陳大禹之後於杞於是封功臣謀士而師尚父爲首封封尚父於營丘曰齊封弟周公旦於曲阜曰魯封召公奭於燕封弟叔鮮於管叔度於蔡餘各以次受封

漢剖符封功臣

高紀六年十二月甲申上還至雒陽始剖符封功臣曹參等爲通侯上巳封大功臣三十餘人其餘爭功未得行封上居雒陽南宮從複道上見諸將偶語以問張良云云三月上置酒封雍齒與功臣剖符作誓并書鐵契金匱石室藏之宗廟

漢功臣次

漢功臣表自古帝王之興曷嘗不建輔弼之臣其成大功者乎漢興自秦二世元年之秋楚陳之歲初以

沛公總帥雄俊三年而後西滅秦立漢王之後五年
 東克項羽即皇帝位八載天下乃平始論功而定封
 訖十二年侯者百四十有三人時大城名都民人散
 亡戶口可得而數裁十二三是以大侯不過萬家小
 者五六百戶封爵之誓曰使黃河如帶泰山如厲國
 以永存爰及苗裔於是申之以丹書之信重之以白
 馬之盟又作十八侯之位次鄴文終侯蕭何位次第
 一平陽懿侯曹參二宣平武侯張敖三絳武侯周勃
 四舞陽侯樊噲五曲周侯酈商六魯侯奚涓七汝陰

文侯夏侯嬰八潁陰懿侯灌嬰九陽陵景侯傅寬十
 信武肅侯靳歙十一安國武侯王陵十二棘蒲剛侯
 陳武十三清河定侯王吸十四廣平敬侯薛歐十五
 汾陰悼侯周昌十六陽都敬侯丁復十七曲成圉侯
 蟲達十八表位次自平陽懿侯曹參至鹵嚴侯張平
 第四十八高祖一百四十七人

後祭遵傳博士范升上疏曰高祖班爵割地與下分
 功著錄勲臣頌其德美生則寵其殊禮奏事不名人
 門不趨死則疇其爵邑世無絕嗣丹書鐵券傳於無

窮斯大漢厚下安民長久之德

周有太常之書司勳之貳盟府之藏

漢脩代來功

文紀元年冬十月辛亥見高廟詔益封太尉勃邑萬戶賜金五千斤丞相平將軍嬰邑各三千戶金二千斤朱虛侯章襄平侯通各二千戶金千斤封典客劉揭信陽侯賜金千斤六月施惠天下乃修代來功尊中尉宋昌為衛將軍封壯武侯諸從朕六人官皆至九卿三年五月幸太原見故群臣皆賜之舉功行賞諸民里賜牛酒復晉陽中都民三歲租留遊太原十

餘日

漢復功臣家子孫

宣紀元康元年夏五月復高皇帝功臣絳侯周勃等

百三十六人家子孫令奉祭祀世世不絕其母嗣者

復其次四年八月賜功臣適後黃金人二十斤功

臣表逮文景四五世間流民歸戶口息列侯大者至

三四萬戶小國自倍子孫驕逸訖于孝武後元之年

靡有子遺孝宣愍而錄之乃開廟藏覽舊籍詔令有

司求其子孫咸出庸保之中竝受復除或加以金帛

用章中興之德。

漢本始論定策功益封

杜延年傳宣帝褒賞大臣延年以定策安宗廟益封

戶二千三百詔有司論定策功大將軍光功德過絳

侯周勃車騎將軍安世丞相楊敞功比丞相陳平前

將軍韓增御史大夫蔡義功比穎陰侯灌嬰太僕桂

延年功比朱虛侯劉章後將軍趙充國大司農田延

年少府史樂成功比典客劉揭皆封侯益上

漢紹周後

封孔子後

紀武帝元鼎四年十一月行幸滎陽還至洛陽丁卯

詔曰觀于周室邈而無祀詢問耆老得孽子嘉其封

嘉為周子南君成帝綏和元年二月詔曰王者存二

王之後所以通三統也其封孔吉為殷紹嘉侯三月

進爵為公及周承休侯皆為公地各百里○梅福傳

元帝時求商後分散為十餘姓群國往往得其大家

推求子孫絕不能紀匡衡議宜以孔子世為湯後上

以其語不經遂寢成帝時梅福復言宜封孔子後以

奉湯祀○綏和元年立二王後推迹古文以左氏穀梁

本世禮記相明遂封孔子世為殷紹嘉公
 劉鴻訓曰歷封孔氏後曰宗聖奉聖崇聖恭聖等爵
 抑何重也

祿秩

爵祿之制至周而備諸侯去其籍其詳不可
 得聞三代而下祿秩至漢而詳然表所載與
 諸家所叙亦有異同

古者制祿不計錢故陸贄曰三代以食人眾寡為差
 兩漢以石數多少為秩史記燕噲自三百石吏以上

而效之以石計祿始見於此秦范雎曰自斗食以上

有非相國之人者乎王翦歸斗食以下秩呂不韋舍

人六百石以上奪爵以此考之漢人祿秩大率皆秦

制其間小有增損耳孟子論周室制祿自上農夫食

九人積之原思為宰與粟九百孟子為齊卿其祿十

萬鍾自古至秦漢無不以穀粟制祿也

紀宣帝神爵三年八月詔曰吏不廉平則治道衰今

小吏皆勤事而奉祿薄欲無侵漁百姓難矣其益吏

百石已下俸十五

武帝紀泰始三年九月甲申詔曰古者以德詔爵以
 庸制祿雖下士猶食上農今在位者祿不代耕非崇
 化之本也其議增吏奉賜王公以下帛有差

萬餘自昔至泰始無不以殊粟備祿也
 其人費多風思益幸與粟以百益子然齊唯其祿十
 人六百石以注泰始以此考之幾人祿將大率皆泰
 亦我祿四之人者平生祿值半食以亦將不草舍

玉海纂卷之十四終

武會紀泰和三年九月甲申詔曰古者以德詔爵以

庸制祿雖下士猶食土與今在位者家不代排乘馬

化之本也其議增文奉賜王公以下帝有差

玉海纂卷之十四終

